

Časopis "Mi možemo mnogo"



Sarajevo

šk.g.2020/2021.

**Školski časopis za Vas su pripremili članovi Novinarske
sekcije JU OŠ "Malta" zajedno sa nastavnicom Sanelom Mešić.**

*Tako je u protekloj školskoj godini realizovan kombinovani model
nastave i online nastava, možete pogledati i pročitati veliki broj radova vrijednih učenika
koji su uz pomoć svojih nastavnika još jednom pokazali znanje i kreativnost. Pratili smo
školske online priredbe, podržavali drugove na takmičenjima, obilježavali značajne datume i
informacije podijelili s vama, dragi naši prijatelji.*

Amila Zec, Sara Karabeg,

Asia Berbić, Iman Fejzić i Nadir Bajrić.



Obraćanje direktora...

Dragi učenici, radnici i roditelji JU OŠ „Malta“,

Želim da Vam čestitam Dan škole koji je pred nama a, iznad svega, i da vam se zahvalim na istrajnosti i entuzijazmu koje ste pokazali već drugu školsku godinu koja je zahvaćena pandemijom COVID-19. Uslovi rada za učenike, roditelje, kao i za nastavno i nenastavno osoblje drastično su se promijenili.

Roditelji su također morali da nađu balans u životu kako bi izašli u susret svojim vlastitim poslovnim obavezama a istovremeno bili još veći partneri školi u odgojno-obrazovnim procesima i u online okruženju.

Učenici su, unatoč nevoljama koje je virus prouzrokovao cijelom svijetu, uspjeli da se adaptiraju na nove okolnosti rada, malo u školu, malo online. Pri tome su pokazali visoki stepen odgovornosti i poštivanja svih propisa i pravila škole, te su se i u online okruženju osjećali i ponašali kao i u školi.

Nastavnici i radnici škole dali su svoj maksimum kako bi učenici što manje osjetili gubitke u ovim vanrednim okolnostima rada. Uspješno su se adaptirali na sve potrebne procese digitalizacije nastavnog procesa, a propisane modele rada od strane Ministarstva za odgoj i obrazovanje su doveli do optimalnih granica, suprotstavljanjem aktivnog online modela nastave pasivnim oblicima nastave kakvi su se mahom primjenjivali kod nas i u svijetu od marta 2020. godine na ovamo.

Naši učenici i nastavnici u Edukativnom centru Nova Kasaba pokazali su jednak entuzijazam i požrtvovanost u radu kako bi izašli u susret svim izazovima online nastave i teškoćama u infrastrukturnim barijerama. Pošto se njima uskoro bliži polaganje razrednih ispita, želim im sreću i siguran sam da će sve postavljene radne zadatke sa lakoćom ispuniti.

Posebno želim da se obratim i našim maturantima i zaželim im uspjeh u dalnjem srednjoškolskom školovanju, vjerujem da će jednako biti uspješni kao i u našoj školi. Oslobođeni mature, vjerujem da će sa lakoćom da stupe u nove školske sredine ali i da će se uvijek rado vratiti u našu školu da posjete svoje nastavnike.

Želim da poželim i dobrodošlicu našim budućim prvačićima. Ove godine novi rekord od 111 upisanih učenika prvih razreda, kojih će biti sigurno još u drugom upisnom roku i koji će u klupe školske 2021 / 2022. sjesti u 5 odjeljenja sa svojim učiteljicama.

Sarajevo

šk.g. 2020 /2021.

Pred svima nama stoji još određeni period izazova koji sa sobom nosi pandemija, ali na osnovu do sada viđenoga ubijeđen sam da će školska zajednica JU OŠ Malta sve nove prepreke i izazove sa lakoćom da savlada i opet pokaže kako može biti uspešan model rada jedne škole kako u vanrednim okolnostima rada tako i u redovnim. Naša mala škola je danas već velika, ne samo brojnošću učenika i radnika, nego i modelom kojeg predstavlja za druge.

Iskreno Vam želim da pandemiju što prije stavimo iza sebe i da se slobodno vratimo svojim regularnim aktivnostima bez ikakvih ograničenja. Na prvom mjestu želim da se svi zajedno vidimo u školskim klupama od septembra, bez podjela na grupe i bez kamera i mikrofona.

Želim vam zdravlje, uspjeh i sreću na putu koji je pred nama. Sretan vam 41. Dan škole OŠ „Malta“

Direktor škole Hasičić Asmir



Džurić Iman II₃



Vejo Elif II₃


VOLIM ČITATI

Otkako sam upoznala slova,
U meni se razvila ljubav nova.
Voljela sam čitat' razne bajke,
Koje sam često slušala od majke.

Kada sam porasla još malo veća,
U čitanju se odvijala sva moja sreća.
Čitala sam sada, pjesme i romane,
Provodila u čitanju dane i dane.

Sada, ne samo da čitam,
Već pišem i sama pjesme.
U kojima na svoj način smišljam,
Šta se smije, a šta se ne smije.

Zato, predlažem da djeca sva,
Čitaju pjesme, bajke i priče.
Kako bi sutra kad odrastu,
Na svoje roditelje mogli da liče.



Jusuf Zornić, IV₃

Ema Dervišević VIII₁

Našu školu je posjetio uvaženi ministar Krivić.

Tom prilikom je razgovarao sa direktorom škole
i učenicima JU OŠ „Malta“ i Edukativnog centra Nova Kasaba.



Asja Deliahmetović IV₃

Upoznajte našeg psihologa!



Adelisa Redžić Makć

magistar psihologije



Medina Ćutahija

magistar psihologije

Šta je to školska psihologija i šta zahtjeva ovaj posao?

Školska psihologija je grana primijenjene psihologije koja se bavi psihološkim aspektima škole i školovanja, a istovremeno koristi saznanja i metode iz ostalih disciplina psihologije (s područja motivacije, savjetovanja, psihologije učenja i poučavanja, kliničke psihologije i slično). Školski psiholog u školi je zapravo jedan od stručnih saradnika koji putem razgovora i psiholoških mjernih instrumenata i tehnika saznaće o postojećim problemima učenika i njihove okoline.

S obzirom da se mnoga djeca još od najranije dobi se s vremenem suočavaju sa: strahom od škole, lošim uspjehom, lošim raspoloženjem vezanim za školu ili obavezama koje škola zahtjeva, razvodom roditelja, osjećanjem potištenosti, osjećajem nesigurnosti i slično, veoma je bitno da se reaguje na vrijeme, preventivno jer takve smetnje mogu kod djece prouzrokovati određena psihološka stanja koja mogu biti velika prepreka uspjehu u školi, međuljudskim odnosima, sportu ili drugim vannastavnim aktivnostima.

Posao školskog psihologa najčešće zahtjeva:

- Intervencije i psihološku pomoć,
- Konsultacije bazirane na psih. temeljima učenja i ponašanja,
- Programe prevencije i psihološke podrške (npr. promocija međuvršnjačkog nasilja, programe za jačanje samopouzdanja, razvijanje kreativnosti, učenje socijalnih vještina, itd.)
- Programe edukacije,
- Podrška u profesionalnom usmjeravanju i razvoju učenika,
- Podrška i afirmacija kreativnosti učenika,
- Rad na konstrukciji optimalnih metoda evaluacije uspjeha učenika u školi,...

U suštini, zadaća psihologa je pomagati u prepoznavanju razvojnih i individualnih potreba učenika, podučavati učitelje i nastavnike razumijevanju tih potreba i kako reagirati u skladu s njima. On pomaže nastavnicima identificirati teškoće u razrednoj klimi, uspješnosti i načinu rada, pomaže im razviti strategije za rješavanje tih teškoća, te promovira različite metode rada koje potiču kreativnost i sudjelovanje nastavnika i učenika zajedno (timski rad, projektna nastava i sl.).

Raygovara li školski psiholog samo učenicima ili je tu i za potrebe nastavnika? Odnosno, ko posjećuje školskog psihologa?

Težište rada i najčešći korisnici školskog psihologa su prije svega učenici. Rad s učiteljima, nastavnicima i roditeljima također je uobičajen, ali on se ponajprije odvija u funkciji njihova osposobljavanja za bolje razumijevanje učenikovih potreba i ponašanja te djelotvorniji rad s njima. Drugim riječima, privatni problemi učitelja, nastavnika ili roditelja, primjerice, nisu područje rada školskog psihologa. On zbog svoje dobre volje može pomoći u suočavanju s tim problemima i njihovom rješavanju, međutim, njegov posao započinje tek kada oni na neki način utječu na dijete, učenika, i njegovo školovanje. U fokusu rada školskog psihologa je

učenik. U radu s roditeljima, školski psiholog kroz savjetovanje i edukativna predavanja na roditeljskim sastancima pomaže roditeljima prepoznati i razumjeti razvojne i individualne potrebe učenika i reagirati u skladu s njima, tj. pomaže im poticati razvoj djetetovih potencijala i aktivno pridonijeti njegovom uspješnom obrazovanju.

Vrijeme u kojem dominiraju epidemiološke mjere uzrokovane koronavirusom za sve nas prilično je teško. Naša nekadašnja svakodnevница je u značajnoj mjeri promijenjena. Nažalost, ovo iskustvo svako proživljava drugačije, manje ili više uspješno. Zbog toga se postavlja pitanje – kako upravljati stresom ili osjećajem zabrinutosti zbog neočekivanih promjena?

Kompleksna, munjevito nastala promjena životne situacije, poput ove koju sada proživljavamo, u kojoj je ugroženo tjelesno i psihičko zdravlje, te socijalno funkcioniranje i egzistencija, dovodi do značajne količine stresa, anksioznosti, depresivnosti i straha od nepoznatog. Bez obzira na prisustvo stresa i zabrinutosti, potrebno je znati adekvatno se nositi sa situacijom. U školskom kontekstu to podrazumijeva obavljanje školskih zadataka na vrijeme i održavanje motivacije za učenjem kako bi se smanjio nivo stresa i uklonila zabrinutost. Osim toga, preporučuje se da učenici u slobodnom vremenu nađu prikladan način zabave, kako bi uspješno izbalansirali školske obaveze i vrijeme relaksacije.

Koje aktivnosti bi Vi preporučili učenicima za vrijeme pandemije?

Potrebno je prilagoditi se novoj svakodnevničici, organizirati dan tako da u njemu budu sadržani vrijeme za učenje i slobodno vrijeme (vrijeme za igru, zabavu, druženje) samostalno ali i ono s roditeljima. Zajednička igra može pomoći i roditeljima i djeci da se opuste i osjećaju sigurnije u vrijeme pandemije. Potrebno je pronaći svoju dnevnu rutinu i brinuti se o sebi, što može uključivati fizičku aktivnost, vrijeme za igru, vrijeme za kvalitetne obroke, učenje i slično. Također, veoma je bitno ograničiti vrijeme provedeno ispred ekrana, jer djeca svakako većinski nastavu prate online, pa je stoga potrebno pronaći drugi vid opuštanja.

Koje vrijednosti treba promovirati školski psiholog?

Školski psiholozi treba da promoviraju vrijednosti kao što su:

- dječja prava i slobode,
- ponašanje bez diskriminacije i prihvatanje različitosti,
- poštivanje raznolikosti (etnička, kulturna, vjerska)
- rodnu ravnopravnost i jednakost (npr. jednak tretman dječaka i djevojčica od strane njihovih nastavnika) itd.

Za kraj, koje riječi bi Vi poručili učenicima naše škole?

Želimo poručiti prije svega da pronađete adekvatne izvore motivacije kako bi ostali motivisani tokom cijele akademske godine i na kraju postigli željeni uspjeh. Važno je učiti i dobivati željene ocjene, ali je isto tako i bitno pronaći vrijeme za zabavu, odnosno aktivnosti koje vas ispunjavaju. Za pomoć se uvijek možete obratiti svojim roditeljima, nastavnicima ali i nama kao stručnim saradnicima škole. Ostajte nam zdravo i želimo vam svu sreću do kraja

Pripremila: Sara Karabeg



Radovi članova Likovne sekcije



Prvačići školske 2020 / 2021. godine



Sarajevo

šk.g. 2020 /2021.

Međunarodni dan pismenosti

Članovi Kluba bosanske knjige na adekvatan način obilježili Međunarodni dan pismenosti.
Međunarodni dan pismenosti obilježava se 8. septembra svake godine, a utemeljio ga je UNESCO 1967.

s ciljem promoviranja važnosti učenja i pismenosti, ali i osvjećivanja javnosti o problemu nepismenosti koji još uvijek pogađa veliki dio svjetskog stanovništva.

U projektu su učestvovali Hana Kučuk, Ema Dervišević, Una Danović I Ivor Arapović.

Čitanje me vodi u drugi svijet

Svako zna da priča svašta,
Ali niko ne zna kakva je to mašta,
Kada uzmeš knjigu u ruke
i počneš čitati bez ikakve muke.

To je više od drugačijeg
Svjjeta,
Kad ti kroz glavu misao šeta
„ Priča za pričom stvara ti dan i puni tvoj vokabular”.

Možda je to dobro, a možda i ne,
Ali kroz priče i pjesme ti stvaraš sne
I možda to tako treba da bude,
Uzmi knjigu u ruke i
Počni čitati bez ikakve muke!

Una Danović VIII₂

Volim čitati

Čitanje je doista najljepša stvar,
jer je to tvoje duše čuvar.
Uvodi te u novi svijet,
a tu magiju treba doživjet.

Sretnu ili tužnu priču ti izabrao,
Zasigurno bi novi svijet dizajnirao.
lako, možda, ne želiš čitati,
al, znaj da ćeš se jednog dana opasno kajati.

Hana Kučuk VIII₁

VOLIM ČITATI

Knjigo, ti si izvor svega nepoznatog,
ali i rješenje svega.
Učiteljica života ti si,
mati što prijekorno gleda.

Knjigo, k'o cvijet se otvaraš
u čarobnim rukama mojim.
Ti skrovište si tajnama mojim
što nađoše mir pod velom tvojim.

Knjigo, ti domovino sunca i tame,
moje radosti, tuge i osame.

Moj prijatelj ti si jer daješ mi sigurnost,
što napravi cestu do srca mog.

Ivor Arapović VIII₁

VOLIM ČITATI

Od kako sam upoznala slova,
U meni se razvila ljubav nova.
Voljela sam čitat' razne bajke,
Koje sam često slušala od majke.

Kada sam porasla još malo veća,
U čitanju se odvijala sva moja sreća.
Čitala sam sada, pjesme i romane,
Provodila u čitanju dane i dane.

Sada, ne samo da čitam,
Već pišem i sama pjesme.
U kojima na svoj način smišljam,
Šta se smije, a šta se ne smije.

Zato, predlažem da djeca sva,
Citaju pjesme, bajke i priče.
Kako bi sutra kad odrastu,
Na svoje roditelje mogli da liče.

Ema Dervišević VIII₁

Obilježili smo Nacionalni dan svjesnosti o bibliotekama

Pod sloganom "Biblioteka bez zidova" u našoj školi je obilježen Nacionalni dan svjesnosti o bibliotekama nizom aktivnosti. Naši vrijedni i talentovani učenici osmih i devetih razreda su istraživali o nastanku i razvoju biblioteka. U projektu su učestvovali učenice Ajša Omerović, Adna Murguz, Hana Kučuk, Naida Korjenić, Belma Delić, Rijad Kašmo i Minja Sučić. U sklopu obilježavanja Nacionalnog dana svjesnosti o bibliotekama raspisano je i natječaj Moja biblioteka / Moj bibliotekar za učenike prvih i drugih razreda.

Jedna od aktivnosti je bila " Stariji drugari - čitaju mlađim", tako je učenica Minja Sučić IX₃ čitala priče učenicima prvih i drugih razreda, nakon toga učenici su na Teams-u dobili kviz gdje su mogli da provjere koliko su zapamtili.

Cilj svih ovih aktivnosti bio je popularizacija knjige i čitanja.



Benjamin Hamzić VIII₂

Čitanje me vodi u neki novi svijet

Provesti vrijeme u čitanju je dragocjeno. Ploviti očima po stranicama knjiga predstavlja nezaboravno iskustvo. Ono nas vodi u drugi svijet, svijet mašte pisca, ali i u kojem prepoznamo svijet u koje smo mi. Čitanje nas podstiče na naše razmišljanje, emocije i stavove. Svijet mašte, znanja i raznih spoznaja nam pruža čitanje. Što više čitamo to više stičemo znanje. Na taj način obogaćujemo naše znanje. Sve što pročitamo kroz djela raznih pisaca donosi nam nove svjetove u kome se i naša stvarnost prepiće. Kad pročitamo enciklopedije ili historijske knjige saznajemo svijet iz prošlosti. Lijepo je vrijeme provoditi uz knjigu. Knjiga je dobar drug i sa njom nikada nisi sam. Čitanje nam otvara svijet u kome razumijemo sebe, druge oko sebe i svijet u kome živimo. Pomaže nam da živimo bolje i da budemo bolji u nekom boljem drugom svijetu.

Oktobar / mjesec knjige

"Ne postoji prijatelj tako odan kao knjiga."

Hemingway

Pjesma o meni

Priče,
Moje utočište,
Bijeg od stvarnosti.

San,
Njemu se uvijek vraćam,
Skrivena pod pokrivačem.

Ugasite svijeću već predugo gori,
Vatru u kaminu već predugo plamti,
Nadglasajte tišinu ne želim više slušati njen muk,
U ovoj gorkoj tami dodajte pjesmu da čujem joj zvuk.

Pusti me unutra,
U svoju malu oazu,
Želim čuti cvrkut ptica,
Želim osjetiti miris ruže.

Skini tu masku,
Ne stoji ti na tako lijepo lice.

Čuj zvuk bubnjeva,
Svaki namijenila sam tebi.

Minja Sučić IX₃

šk.g. 20

Sarajevo

Učenici i nastavnici u produženom boravku ove školske godine

nizom aktivnosti obilježili su značajne datume. Predstavljamo vam
samo jedan dio aktivnosti.



Imali smo priliku razgovarati sa pedagogicom Nirmalom

I vidjeti radove naših drugara.



Pedagogica je naglasila da učenici u produženom boravku rado
učestvuju u svim aktivnostima I pokazuju izuzetnu kreativnost.

Pripremila: Jman Fejzić

Škola

Škola je dom,
u njoj nije sve po tvom.

U školi se uči,
ali se ne smije tući.

U školi nas čekaju nastavnici
puni sreće
da steknemo znanje najveće.

Ružnim riječima vrata su zatvorena,
a lijepim, širom otvorena.

Tamo predmeta ima kao u priči,
ali zbog ocjena ne plači.

Škole ti je možda dosta,
ali ne odustaj
jer je pred tobom
još puno posla.





Sarajevo

šk.g. 2020 /2021.

DAN ŠKOLE

Prvog sam se dana škole

bila malo prepala

Činilo se strašno,

ali sam se onda trgnula.

Za dan – dva

shvatila sam

da škola uopšte strašna nije.

Tamo sam drugare srela

i u prijateljstva ih splela.

Svaki dan je bilo veselo

i prijateljstvo nam se nije otplelo.

Kad u školu idem ja,

radost na mom licu sja.

Dragim prvačićima želim

da u školi budu sretni,

vrijedni, ponosni i u sebe sigurni.



Ema Salihbegović II-1



Sarajevo

šk.g. 2020 /2021.

Domovino tebi na dar

Domovino moja, prelijepa i mila
u mojim si se njedrima skrila.

Dušu mi puniš svojom krasotom,
rasteš u meni kako odmičem životom.

Mnogo si patila i za tugu znala,
ali se nikada nisi očaju i gorčini predala.

Svoju ruku stavljam sa lijeve strane,
znam tu si i kad sve nestane.

Divim se tebi i tvojoj snazi,
kako se ne daš da te iko gazi.

Svoj zagrljaj pružaš svima kao malo dijete,
dobrodošlicom hraniš, bez imalo sjete.

Uvijek ću biti ponosan, jer imam te ja
i kada sunce nekada ne sja.

Domovinu imati nije mala stvar,
tebi od srca poklanjam ovu pjesmu na dar!



Benjamin Hamzić VIII₂




Sarajevo

šk.g. 2020 /2021.

Priredbe

Sve planirane aktivnosti smo realizovali u školi ili online okruženju. Učenici su recitacijama, pjesmom i igrom obilježili Dan državnosti BiH, Dan nezavisnosti BiH i Dan škole.





Dan planete Zemlje

U Sunčevom sistemu,

ima samo jedna planeta,

Ijudskog svijeta.

Ta planeta Zemlja se zove,

na njoj ljudi žive snove. Dala nam je okeane, mora,

znak, prašume i šume,

iznad kojih sviće zora. Obasjava je sunce,

koje biljke zeleni i

ljude veseli. Ona stalno mijena klimu,

proljeće, ljeto, jesen i zimu.

Bez tebe ne bi bilo ni nas,

Zato ti kažem HVALA

na sav glas.

Naida Sirhubalo VI₁



ČUVAJMO PLANETU

Čovječe stani,

Osvrni se.

Zar ne vidiš?

Zar se ne stidiš? Bacio si flašu tu,

zar ne osjećaš sramotu? To je naša planeta.

Zato podigni flašu tu,

Da nam bude lijepa.

Da bi ona bila čista,

Moramo se truditi svi,

i mali i veliki.

A ne flašu dati stabljiki.

Trebao saditi drveće i cvijeće,

a ne bacati smeće.

Zato čuvajmo svoj okoliš svaki dan,

pa će nam i on biti vrlo zahvalan.

Ajnur Sušić VI₁



Sarajevo

šk.g. 2020 /2021.

Volonterski projekat-Volontiranje je cool!

Naši učenici su prihvatali izazov volonterskog projekta u ovom vremenu pandemije uzrokovane virusom Covid-19. Odvažili su se da kao volonteri učestvuju u projektu *Volontiranje je cool!*

Dana 7.12.2020. godine Udruženje CROA je organizovalo predstavljanje svih volonterskih projekata iz Bosne I Hercegovine.

Učesnicima Galerije obratila se ambasadorica Kathleen Kavalec, šefica Misije OSCE-a u Bosni i Hercegovini.

Na toj galeriji projekata koja je realizovana putem aplikacije ZOOM naša škola predstavila je svoj pripremljeni projekat. Koordinatori projekta su bili Amra Hodžić I Jasna Šečić. Izlaganje o projektu je radila učenica osmog razreda Ajša Omerović, a na Galeriji su prisustvovali I učenici Adna Murguz, Imraan Sijamija, Naida Korjenić I Hana Kučuk. Na projektu su radili I učenici: Adrian Smajić, Faris Smajlović, Affan Aidan Šabanac, Omar Bačvić, Arman Vranić, Ahmet Čengić, Una Kosović, Ema Dervišević I Mona Gogalić

Naš projekat je bio osmišljen s ciljem druženja sa osobama treće životne dobi u Centru za zdravo starenje Novo Sarajevo. Naši volonteri su pripremili nekoliko aktivnosti koje su imale za cilj da pruže psihološku podršku članovima Centra za zdravo starenje.

Želja I entuzijazam naših volontera da doprinesu društvu I zajednici u kojem žive dovoljno govori da su I mladi ljudi u našem društvu osviješteni I svjesno pristupaju aktivnostima koje direktno pomažu zajednici, bez čekanja na naknadu ili bilo koju drugu korist.

Volonteri naše škole su prepoznali značaj pomaganja I doprinosa zajednici kroz volontiranje I humanim rad te su na taj način stekli nova iskustva čime su zasigurno promijenili svoje svjetonazole u pozitivnom smislu.

Sarajevska bajka

Svaki čovjek ima svoj grad,
manji ili veći
neko ima neku varoš,
a neko neki velegrad.

Tako ja imam svoje Sarajevo.

Reći će neko da je,
Sarajevo mali grad,
pa ako je mali,
odakle mu tolika snaga ,
da se odbrani od velikih sila,
kroz svoju historiju.



Sarajevo

Andrea Jović IV3



Reći će neko da je velik,
ali u njemu svaki dobar čovjek
nađe svoju sreću, svoje mjesto
i svoju ljubav.

Jedne hladne zime,

na vrata veličanstvenog Sarajeva,
pokuca jedna zimska olimpijada,
i pita da prezimi u Sarajevu.
kažu da je tada Sarajevo bilo
najljepša bajka i centar svijeta

šk.g. 2020 /2021.

A u svakoj bajci,
svaki čovjek može živjeti,
kao da je to njegova bajka.

Laila Suljović VII-3



Zašto volim svoju majku?

Volim je jer je brižna,
I jer je draga,
Jer je divna,
Moja majka.

Volim je što je svoja krila,
Oko mene obmotala,
Što me je zaštitala,
I što mi je sve najbolje darovala.

Volim je što znam,
Da je uvijek uz mene,
Što me uvijek čuva.

Volim je jer je jedna i jedina,
Zauvijek samo moja,

Moja majka. ❤
Vrana Tajra VI₃

Sarajevo

Pismo majci

Draga mama,
Hvala ti na svemu dobrom što si učinila za
mene,
za ljubav i osmijeh što mi ih svakim danom
poklanjaš,
za razgovore koje dijeliš sa mnom,
za zagrljaje i toplinu kojima me usrećuješ.

Volim tvoj pogled pun topline,
volim kad si ponosna na mene,
ali i kad si tu za svaku moju suzu.

Moja utjeha i moja snaga,
volim te majčice moja draga.

Najljepšoj i najboljoj mami na svijetu,
Voli te tvoj sin Harun.

Spahić Harun VI₃

Zeleni pozdrav od članova

Ekološke sekcije

Da li će planeta Zemlja preživjeti ?

Jedne noć dok su se smjenjivali dan i noć planeta Zemlja je bila veoma tužna. To je primijetio Mjesec koji ju je upitao:

„Zemljo života, zašto si tužna?“

Planeta Zemlja mu odgovori: "Tužna sam jer me ljudi zagađuju, bacaju smeće u moje rijeke, mora, iskopavaju šume i zagađuju zrak. Bojam se, ako se ne promijene, uništiti će sve moje ljepote."

Taj razgovor su čule i druge planete. Idućeg dana su se okupile i rekoše planeti Zemlji:

"O, Zemljo života, čuli smo šta te muči i možemo ti pomoći. Ali za uzvrat nam moraš dati svu svoju vodu koju mi nemamo!"

Planeta Zemlja se jako zabrinula. Bila je umorna i prezagađena smećem koji ljudi bacaju, ali nije željela da da vodu drugim planetama. Znala je da ljudima bez vode nema života.

Da li će se ljudi promijeniti, manje bacati smeće na livade, u rijeke, ostavljati smeće na plaži ili će Zemlja jednog dana biti primorana da da svu svoju vodu? Do ljudi je. Do nas je.

Prošlo je mnogo vremena od toga. Ljudi se nisu promijenili. Planeta je bila spremna da da svu svoju vodu kada joj je Mjesec rekao: "Ne, ne radi to, strpi se još samo malo, možda se ljudi promijene..."

Hamza Osmanović, IV2

Sarajevo

Iako u uvjetima online rada sekcije, mali ekolozi
naše škole bili su aktivni i
uspjeli ostvariti mini ekozadatke.

šk.g. 2020 /2021.



Uz upute koje su učenici dobili na času,
pomagali su pticama da prežive hladnu
zimu praveći im hranilice.


Hranilica u parku ispred
zgrade.


Nije izostala pomoć roditelja.



Likovni radovi prvačića

Sretan Dan škole!





Sarajevo

šk.g. 2020 /2021.



PROLJEĆE

Laste se vratиše
Noći se skratiše
Drveće obehara
Suncе kroz krošnje šara

Gotov zimski san je sad
proljeće kreće u rad

Cvjetne haljine obukli su balkoni
Izgledaju veselo kao šarenici baloni
A šarenici leptirovi lepršaju od cvijeta do cvijeta
Vesele se sva djeca svijeta

Proljeće je tu
U naš grad stiglo
To je sad svima jasno
Reci sada glasno
U naš grad proljeće je stiglo.



Ali Hodžić VI₂

Takmičenja:

Kvalifikaciono takmičenje za plasman na Federalno takmičenje iz matematike učenika osnovnih škola u kategoriji VII, VIII i IX razreda je održano 4. 5. 2021. godine. Takmičenje je održano online, koristeći platformu Microsoft Teams. Organizator takmičenja je Udruženje matematičara Kantona Sarajevo. Učenice VII razreda Alema Rogo i Lamija Hadžović su učestvovale na takmičenju. Prvoplasiranih 15 učenika ostvaruje pravo nastupa na Federalnom takmičenju.

Naša učenica Alema Rogo je osvojila 11 mjesto i time se plasirala na Federalno takmičenje.

Na takmičenju za najbolje literarne I likovne rade u organizaciji Perzijsko-bosanskog koledža, učenica JU OŠ "Malta" Nejra Olovčić ove godine je poslala svoj likovni rad I osvojila drugo mjesto.

Također, na takmičenju za najbolji likovni rad na nivou BiH učenica Nejra Olovčić je zauzela treće mjesto.

Na takmičenju iz predmeta Bosanski jezik I književnost, Hrvatski jezik I književnost, Srpski jezik I književnost učenik iz VIII razreda Ivor Arapović je zauzeo 14. mjesto dok je učenik VII razreda Benjamin Mujagić zauzeo 7. mjesto.

Na Kantonalmu takmičenju iz predmeta Geografija učenica Ema Štukan je zauzela 13. mjesto.

Na Kantonalmu takmičenju iz predmeta Njemački jezik učenica Maša Mlinarević je zauzela 6. mjesto.

Čestitamo učenicima I nastavnicima!



Bosno, dragi dome

Bosno moja,
dragi rodni dome,
ti teški svijek
biti u srcu mene.

Kada pomislim na tebe
biti ti već upečeta i pretežela...
nove mi zabilježi jake.

Moja Bosno, ti del svijek
u mojoj duši bili.
Sretan ti
Dan nezavisnosti, moja ljubavi.

Aida Širbulalo VI-1



Moja domovina

Bosna, domovina moja
ljubav prema tebi nema kraj.
Kad pogledam u ljepeštu traže,
riđim ove najljepše boje.

Na ovaj dan nezavisnosti si postala,
i ova tuga za naših lica se izbrisala.
U srcu te svijek nosim,
dak je sjetom radnica žudim.

Anja Mehović VI-1

Sreća i radost u srcu


Bosno moja mila,
njegušna si kao svila.

U duši te nosim,
i tobom se ponosim.

Sreću si nam dala,
a mi ti vraćamo sa velikim „Hvala“.

Dan nezavisnosti
čestita ti još jedna djevojčica,
i želim ti
da ostaneš velik i snažan borac
od sveg sručia.

Naida Širbulalo VI-1



Praznik moje domovine

Bosne moje drage,
Urijek vi mi lijepa, kar bajka
U tebi ljepešta neprkidna siša,
I teški kar riječa Drina.

Okrstaju te velike planine
Jahorina, Trebevića, Bjelasica...
Te mnoge rijeke nude kojim
Una, Drina, Neretva, Save ...

U tebi velika snaga vlasta,
jela - nege ikada.

Bosne moje osudni borci,
dostitam ti nezavistnost troja.

Aida Imerić VI-3





Bosno moja, cvijete moj

Bosno moja, cvijete moj
Bosno moja draga mati
uvijek će tebe
svajom zemljom zvati.

Bosno moja draga mis,
ti si moja lijepa vila.
Jedva čekam rođendan tvoj,
da ti kažem koliko
te volim cvijete moj.

Jedva čekam rođendan tvoj
jer ti si Bosna jedini naš dom.

**DOMOVINO MOJA MILA
SRETAN TI DAN NEZAVISNOSTI!**

Aila Pintilje VI 3

Nezavisnost

Nada se nad Bosnom i Hercegovinom
Jedan marterški zrastak
Sije dugo traje jer se pojavi
Jedan slišatak.

Priznate narodi Bosna i Hercegovina naju
Nama su radost, a zavima su tisuć
Hijedolske unitistički front i mlađest
Hijedolske zaustaviti djetiju igru i radost.

Bogu smo crvi iste mili
Ma koje vjere mi bili
Isto nas sunce graje
Isto nas voda mije.

Ni mjesec u našem parku
Nigdje ljepote ne smiju
K'ne nad Bosnom slobodnem
Dvorom, prišnam i proušnam.

Rasih Ahmetović VI 3



Ilma Džaferović IV₃

Alina Šilić IV 3



Sretno maturanti!

Polaskom u školu zakoračimo u jedan novi svijet. Dobijemo drugi dom gdje tražimo sigurnost i prihvatanje baš kao i kod kuće. Učiteljica postane novi autoritete u našem život, ali i neko od koga očekujemo razumijevanje i brigu. Upoznajemo drugare i nakon određenog vremena se naviknemo jedni na druge. Svako odjeljenje ima neku svoju specifičnost. Prepoznajemo se po učiteljici, učiteljicu prepoznaju po nama, njenim đacima.

Pet godina prođe, čini se, dok trepneš. Dođe vrijeme za prelazak s razredne na predmetnu nastavu. To znači rastanak s učiteljicom za koju si se vezao, iako je možda nekada bilo nekih nesuglasica.

Sjećam se kako smo se pribjavali novog načina rada, obaveza, novih ljudi i njihovih očekivanja. Plašili smo se da li ćemo se i kako snaći. Raspitivali smo se kod starijih učenika kakav je koji nastavnik, nastavnica. Pitali smo se ko će nam biti razrednik i da li će biti strog. Imali smo mnogo pitanja, a odgovori su stizali jedan za drugim kada smo krenuli u šesti razred. Spontano, dan za danom, stekli smo novu rutinu. Promjena je neizbjegžna, ali nije strašna kako se u jednom trenutku može učiniti. Neko brže, neko sporije, ali svi smo se na kraju prilagodili. Mijenjanje učionica je zabavno.

Da, promjene nas često plaše, ali one su neizostavni dio života. Tako sazrijevamo i napredujemo.

Prelazak na razrednu nastavu zaista nije bauk. To je samo jedan od koraka na putu odrastanja u koji treba hrabro zakoračiti. Treba biti ushićen, a ne uplašen. Sve će biti dobro.

Minja Sučić IX₃

Učenici IX razreda



Draga djeco,
želim vam sve najbolje u budućem školovanju. Nadam se da ćete u sjećanju zadržati sve one lijepе stvari koje smo zajedno prošli, a da ćete sve one loše zaboraviti. Nadam se da sam vas dosta toga naučila, ne samo znanju iz matematike, već i upornosti, strpljivosti, preciznosti, pravednosti, tačnosti, borbenosti, istini. Ono što je najvažnije ne posustajte kada vam nešto ne ide iz prve ruke, već budite istrajni. Pri svakoj vašoj borbi da uradite zadatak i da dobijete što bolju ocjenu, te iz časa u čas iščekivajući peticu, pokazali ste upravo te vještine, što je bio i moj cilj.

Ne zaboravite svoje prijatelje iz osnovne škole, jer neki od njih će biti uz vas cijeli život. Ne zaboravite nas nastavnike, koji uvijek mislimo na vas gdje god da ste.

Hvala vam na svakom razumijevanju!

Vaša razrednica



Sve što naučimo, naučimo od onih koje volimo!

Goethe



Sarajevo

šk.g. 2020 /2021.



Dragi moji učenici!

Dozvolite mi da vam se na ovaj način iskreno zahvalim što ste sve svoje zadatke obavljali strpljivo, razumno i nesobično te koračali stepenicama ka vrhu vašeg životnog kolosijeka gdje vas očekuju novi izazovi. Želim vam poručiti da i dalje nastavite uspješno rješavati sve izazove i da svakog momenta budete svjesni da je obrazovanje ključ slobode.

Mi smo vam udarili temelje za znanje, za toleranciju, za suradnju, za zahvalnost, i za dalje. Sada je na vama! Vjerujemo u vas! Sretno vam bilo i, kuda god krenete, posebna naša "korona generacije" – nemojte zaboraviti svoju osnovnu školu.

Iskustva su ono što nas gradi. Prigrilate sva iskustva ove neobične nastavne godine i znajte – posebni ste! A sada nekome odmor, a nekome upisi, svima – sretno!

Volite jedni druge, volite ljude i znajte da znanje rađa misli, misli zadovoljstvo, a zadovoljstvo sreću i slobodu.

Vaš razrednik



Sarajevo

Dragi moj IX 3,

iza nas su razni izazovi, svi oni usponi koje smo zajednički svladavali, ali da znate, tek velika planina ispred vas stoji, planina koja se zove život. Vaša razrednica želi da ka toj planini idete samo hrabro, uzdunate glave, da ustrajete u svojim željama i ciljevima, da ne zaboravite one koji su ostali iza vas, da se sjećate i da dobro živite, dobro činite i dobru se nadate. Svaki od nas, vaših nastavnika, učinio je i trudio se činiti sve da vi budete smjeliji, odvažniji, uspješniji da raširite svoja krila i slobodnim letom poletite dalje u neke nove visine i kod nekih drugih ljudi koji će vas zvati svojim. Ne zaboravite da se uvijek okrenete, osvrnete i vidite da iza vas stoji armija ljudi koja je uložila, temelje izgradila, gradila kule koje će se zvati dobar čovjek. Učili smo, radili, trudili se, zajedno plakali i zajedno snove sanjali. Vi odlazite da svoje dosanjate, a ja ostajem da vas se sjećam i da neke nove ljudi učim kako da sanjaju. Idite i ne zaboravite da je vaša razrednica uvijek tu da vam pruži pomoć i podršku da vas usmjeri, ohrabri, pomogne i zagrli, a vi imate odgovornost da mene i vaše roditelje i dalje činite sretnim i ponosnim zbog onog što radite. Voli vas vaša razrednica koja je ponosna na vas.

Kao kocke iz dva seta,

Tog 2017. ljeta,

Spojiše nas u odjeljenje novo,

Pitasmo se – Šta bi ovo?

I tako, pod njenim zaštitnim krilom,

odrastoše pilići, vrijeme je za let,

u dalek, drugačiji, novi svijet.

Novo društvo, novi predmeti,

I razrednicu novu, valjalo je upoznati.

Bićemo hrabri I dobri

spremni za izazove nove što život nosi,

Moći će naša Jasmina da se s nama ponosi.

Da li će biti stroga, da li će biti fina?

Rekoše, zove se Jasmina.

Kad Vam dođe generacija nova,

Pričajte im za IX3

Matematiku predaje, tog starog bauka,

Samo da ne bude ispitnih jauka.

Tom nemirnom odjeljenju što nije bilo bajno,

A1* definitivno napušta Maltu slavno!

Minja Sučić IX₃

Plava, sitna I mirna,

A1* znanje kad je u pitanju bez pardona,

Sredila nas razredna, bili smo kao bombona.



Naši maturanti zajedno sa razrednicima, učiteljicama I nastavnicima proslavili su matursko veče u hotelu "Evropa". To je ujedno bila i prilika da se nakon nekoliko mjeseci online nastave konačno druže I provedu nazaboravne trenutke.

Dragi maturanti,
želimo da iz naše škole ponesite lijepe uspomene.

šk.g. 2020 /2021.

Sarajevo

Nejra Olovčić IX₃

